



Eusko Jaurlaritzaren Informatika Elkartea  
Sociedad Informática del Gobierno Vasco

## Kontratazio-prozesuari buruzko barne-jarraibideak

Data: 2008ko iraila

Erreferentzia: ACP06

EJIE, S.A.

Mediterraneoaren hiribidea, 14

Tel. 945 01 73 00\*

Fax: 945 01 73 01

01010 Vitoria-Gasteiz

Posta-kutxatila / Apartado: 809

01010 Vitoria-Gasteiz

[www.ehu.es](http://www.ehu.es)

Dokumentu hau EJIE, S.A.ren jabetzakoa da, eta bere edukia konfidentziala da. Dokumentu hau ezin da kopiatu, ez osorik ez partzialki, ez eta beste batzuei erakutsi ere, eta ezin da erabili dokumentua eskuratzea eragin zutenez besteko helburu batzuetarako, EJIE, S.A.ren aurretiko baimen idatzirik gabe. Dokumentua kontratu baten ondorioz entregatzen bada, kontratu horrek berariaz baimendutarako baino ezingo da erabili. EJIE, S.A. ezingo da jo dokumentu honen argitalpenean egon daitezkeen akats edo hutsen arduradun.



**Eusko Jaurlaritzaren Informatika Elkartea**  
**Sociedad Informática del Gobierno Vasco**

## Edukia

	Kapitulua/atala	Orrial dea
1	Agiriaren xedea	4
2	Hasteko aurrekontuak	5
3	Herri-administrazio ez diren botere esleitzailen kontratazioaren araubide juridikoa	8
4	Arauketa harmonizatuaren pean ez dauden kontratuak egiteko barne-jarraibideak	9
4.1	Alderdi orokorrak	9
4.2	Kontratazio-ereduak	16
4.2.1.A	Kontratazio-eredua - Sinplifikatua.	17
4.2.2.B	Kontratazio-eredua - Mugatua.	18
4.2.3.C.1	Kontratazio-eredua - Irekia	20
4.3	Beste prozedura batzuk	22
4.3.1.C2-	Ireki negoziatu publizitadeduna	22
4.3.2.C3	- Murriztua	22
4.3.3.	Elkarrizketa lehiakorra	22
4.4	Kontratazio-ereduen laburpen-eskema	24
I.	eranskina – Glosategia	26

## 1 Agiriaren xedea

Agiri honen xedea da kontratazio-prozesuarekin lotutako barne-jarraibideak deskribatzea.

Jarraibide hauek EJIEn Zuzendaritza Batzordearen erabakiaren bitartez onartu ziren, eta onartu ziren egunetik hasiko diren kontratazio-espeditu guztiei aplikatuko zaizkie.

Jarraibide hauek nahitaez bete beharko ditu EJIek, bere barne-eremuan. Era berean, arautzen dituzten esleipen-prozeduretan parte hartzeko interesa duten guztien eskura jarriko dira jarraibideok, eta EJIEn kontratzailearen profilean argitaratuko dira.

## 2 Hasteko aurrekontuak

EUSKO JAURLARITZAREN INFORMATIKA ELKARTEA - SOCIEDAD INFORMÁTICA DEL GOBIERNO VASCO, EJIE, S.A. sozietatea sektore publikoa deritzon horren barruan dago, eta nahiz eta ez den herri-administrazioa, baditu “botere esleitzaitzat” hartua izateko zenbait ezaugarri. Horrela bada, Sektore Publikoko Kontratuei buruzko urriaren 30eko 30/2007 Legeak (aurrerantzean SPKL) xedatutakoa aplikatu behar zaio, lege horren 3. artikuluan xedatutakoarekin bat etorriz.

Sektore Publikoko Kontratuei buruzko urriaren 30eko 30/2007 Legeak kontratu pribatutzat jotzen ditu EJIE, S.A. sozietateak egiten dituen kontratu guztiak, betiere Legearen 20.1 artikulua xedatutakoarekin bat etorriz, honela baitio hitzez hitz: “kontratu pribatutzat joko dira herri-administrazio ez diren sektore publikoko ente, organismo eta erakundeek egindako kontratu guztiak”.

Horrek esan nahi du kontratu horien betetzea kontratazioari buruzko arau zibilen pean egongo dela, eta, kontratu horiek prestatu eta esleitzeari dagokionez, Sektore Publikoko Kontratuen Legearen pean.

Era berean, Sektore Publikoko Kontratuei buruzko Legeak bereizi egiten ditu, alde batetik, herri-administrazioek egiten dituzten kontratuak eta herri-administrazioaren izaera ez duten gainerako botere esleitzaitzeak egiten dituzten kontratuak, eta, bestetik, “aruketa harmonizatuaren pean ez dauden kontratuak”, kasu batean edo bestean araubide juridiko bat edo bestea aplikatze aldera.

“Aruketa harmonizatuaren peko kontratuak” orokorki (13. artikulua), edo kontratu mota bakoitzarentzat xeheki (14.etik 17. artikulura) definitzen ditu legeak.

Legearen 13. artikulua araberaz, *“aruketa harmonizatuaren peko kontratuak dira sektore publikoaren eta pribatuaren arteko lankidetzakontratuak, beti, bai eta obra-kontratuak, herri-lanen emakida kontratuak, hornidura-kontratuak eta II. eranskinen 1. kategoriatik 16.era arteko kategorietan sartzen diren zerbitzuen kontratuak ere, baldin eta horien balio zenbatetsia, 76. artikuluan ezarritako arauen arabera kalkulatua, ondorengo artikuluetan aipatzen diren kopuruetakoa edo handiagoa dela jotzen bada, eta, betiere, erakunde kontratatzailea botere esleitzaitze bada. Aruketa harmonizatuaren peko kontratutzat joko dira 17. artikulua horrek aipatzen dituen erakundeen diru-laguntzarekin egiten diren kontratuak.*

Aruketa harmonizatuaren peko kontratuak dira, besteak beste:

- Sektorre publikoaren eta sektorre pribatuaren arteko lankidetzakontratuak.
- Balio zenbatetsia 5.278.000 eurokoa edo handiagoa duten obra-kontratuak eta herri-lanen emakidakontratuak.

Obra bat gauzatzeak kontratuak lote bereizitan eta aldi berean esleitu beharra ekar dezakeenean, eta loteen balio pilatua zenbateko horretakoa edo handiagoa denean, aruketa harmonizatuaren peko arauak aplikatuko zaizkio lote bakoitzaren esleipenari.

Nolanahi ere, kontratazio-organoek salbuetsi egin ditzakete arau horietatik zenbateko balioetsia milioi bat euro baino txikiagoa duten loteak, betiere salbuetsitako loteen zenbateko pilatuak ez badu gaintitzen lote guztiek batera duten balio pilatuaren % 20.

- Balio zenbatetsia 206.000 eurokoa edo handiagoa duten hornidurakontratuak.

Hornidura homogeenok eskuratzean kontratuak aldi berean eta lote bereizietan esleitzeko aukera dagoenean, lote bakoitzaren esleipenari aplikatuko zaizkio aruketa harmonizatuaren arauak. Nolanahi ere, kontratazio-organoek salbuetsi egin ditzakete arau horietatik zenbateko balioetsia 80.000 euro baino txikiagoa duten loteak, betiere salbuetsitako loteen zenbateko pilatuak ez badu gaintitzen lote guztien balio pilagarriaren % 20.

- II. eranskineko 1.kategoriatik 16.era artekoetan sartzen diren zerbitzulkontratuak, balio zenbatetsia 206.000 eurokoa edo handiagoa dutenak.

Zerbitzu homogeenok kontratatzeak ekar dezakeenean lote bereizien kontratuak aldi berean esleitzea, eta zerbitzuen erosketa horrek dituen loteen balio pilatua zenbateko horretakoa edo handiagoa denean, aruketa harmonizatuaren peko arauak aplikatuko zaizkio lote bakoitzaren esleipenari. Nolanahi ere, kontratazio-organoek salbuetsi egin ditzakete arau horietatik zenbateko balioetsia 80.000 euro baino txikiagoa duten loteak, betiere salbuetsitako loteen zenbateko pilatuak ez badu gaintitzen lote guztiek batera duten balio pilatuaren % 20.

- Esleipen ahalmena duten erakundeek zuzenean eta zenbatekoaren % 50 baino gehiagoko dirukopurua emanek lagundutako obra- eta zerbitzulkontratuak, betiere kontratuok kategoria hauetakook badira:

- a) Xedetzat Europako Erkidegoetako Ekonomia Jardueren Izendegi Orokorreko (EJIO) F saileko, 45 ataleko, 45.2 taldeko ingeniariak zibileko jarduerak dituzten obra-kontratuak, edo erietxeak, kiroldegiak, jolaserako edo aisiarako gunek, eskolak edo unibertsitateak eta administrazio-erabilerako eraikinak eraikitzea dutenak, betiere beren balio zenbatetsia 5.278.000 eurokoa edo handiagoa badute.
- b) Paragrafo honetako a) letran definitutako obra-kontratu batekin lotutako zerbitzulkontratuak, betiere balio zenbatetsia 206.000 eurokoa edo handiagoa badute.

Beste alde batetik, legeak **“arauketa harmonizatuaren pean ez dauden kontratutzat”** jotzen ditu erakunde kontratatzaileagatik, kontratu-motagatik edo zenbatekoagatik europar arauketaren pean ez daudenak, bai eta beste kontratu berezi batzuk ere, edozein dela ere haien balio zenbatetsia, honako hauek, zehazki:

- Xedetzat irradi-difusioko erakundeek irradi-difusiorako programak erostea, garatzea eta ekoiztea (banaka edo beste norbaitekin) duten kontratuak, bai eta irradi-difusiorako denborari dagozkionak ere.
- Kontratazio-organoak osoki ordaindutako ikerketa- eta garapen-kontratuak, betiere kontratu horien emaitzak ez badira erreserbatzen kontratazio-organoak berea duen jardueran eskusiboki erabiltzeko.
- Europako Erkidegoa Eratzeko Itunaren 296. artikulua zehazten duen eremuan sartzen direnak.
- Isilpekotzat edo ezkutukotzat jotakoak, edo indarrean dagoen legediaren arabera segurtasun-neurri bereziaz babestuta bete beharrekoak, edo Estatuaren segurtasunerako funtsezko interesak babestu beharrendatik egin beharrekoak.
- Xede nagusia kontratazio-organoei telekomunikazio-sare publikoak eskaintzeko edo ustiatzeko aukera ematea dutenak, edo gizartea telekomunikazio-zerbitzu batez edo gehiagoz hornitzea.

### 3 Herri-administrazio ez diren botere esleitzailen kontratazioaren araubide juridikoa

A.- Arauketa harmonizatuaren peko kontratuak, kontratu harmonizatuak (Legearen 174. artikulua). III. Liburuko I. Tituluko I. kapituluan jasotako xedapenek arautuko dute, egokitzapen batzuekin.

B.- Arauketa harmonizatuaren pean ez dauden kontratuak (Legearen 175. artikulua).

- Esleipena publizitate, lehia, gardentasun, fidagarritasun, berdintasun eta ez-bazterketaren printzipioen pean egongo da beti.
- Nahitaez betetzeko jarraibide batzuk onartu beharko dira, eta, horietan, printzipio horiek bermatzeko kontratazio-prozedurak arautuko dira.
- Kontratua eskaintza ekonomikorik onena aurkezten duenari esleitu beharko zaio.
- Jarraibideak esleipen-prozeduretan parte hartu nahi duten interesatu guztiei eskaini beharko zaizkie, eta kontratatzailearen profilean argitaratu beharko dira.
- Nolanahi ere, publizitate-printzipioa bermatzea aldera, 50.000 €-tik gorako kontratuen kasuan, kontratatzailearen profilean argitaratu beharko da haiei buruzko informazioa.

## 4 Arauketa harmonizatuaren pean ez dauden kontratuak egiteko barne-jarraibideak

### 4.1 Alderdi orokorrak

1. Kontrataziorako barne-jarraibide hauek nahitaez betetzekoak dira, eta beren **xedea** da Sektore Publikoko Kontratuei buruzko urriaren 30eko 30/2007 Legearen 175. artikuluan ezarritako eskakizunak betetzea. Jarraibideok arauketa harmonizatuaren pean ez dauden kontratuak esleitzeari buruzkoak dira, eta publizitate, lehia, gardentasun, konfidentzialtasun, berdintasun eta diskriminaziorik ezaren printzipioak bermatzen dituzte.

Horretarako, EJIE, S.A. sozietateak tratamendu berdina emango die lizitzaileei eta hautagaiei, diskriminaziorik gabekoa, eta gardentasun-printzipioaren arabera jardungo da. Ez da zabalduko enpresariak konfidentzialtzat jotako informaziorik. Nolanahi ere, hautagaiei eta lizitzaileei eman egingo zaie Legeak aginduta eman beharreko informazioa.

Jarraibide Orokorrei buruzko idatz-zati hau arauketa harmonizatuaren peko kontratuei ere aplikatuko zaie, Lege horrek ezarritakoaren kontra ez doan heinean.

2. Kontrataziorako barne-jarraibide hauen edukia EJIE, S.A. sozietatearen **kontratzailearen profilean argitaratuko da**, honako helbide honetan: [www.ejje.net](http://www.ejje.net). Etengabe eguneratuko da. Kontrataziorako barne-jarraibide hauek EJIE, S.A. sozietatearen zuzendaritza-batzordeak onartzen dituenetik aplikatuko dira.

3. Jarraibide hauen ondorioetarako, **honako kontratu-eredu** hauek definitzen dira:

#### **Obra-kontratuak**

Obra-kontratuak dira xedetzat obra bat egitea edo Sektore Publikoko Kontratuei buruzko urriaren 30eko 30/2007 Legearen I. eranskinean aipatzen diren lanetako bat gauzatzea dutenak, edo EJIEk zehaztutako beharrianei erantzuten dien obra bat gauzatzea edozein bitartekoren bitartez. Prestazio hauez gain, kontratuak proiektua idaztea ere har dezake, hala balegokio.

“Obra” da eraikuntza-lan batzuen edo ingeniari-tza zibileko lan batzuen emaitza, ondasun higiezin batean eginkizun ekonomiko edo tekniko bat betetzeko xedea dutenak.

#### **Hornidura-kontratuak.**

Hornidura-kontratuak dira xedetzat produktuak edo ondasun higigarriak eskuratzea dutenak, edo horiek finantza-errentamenduaren edo ohiko errentamenduaren bitartez errentan hartzea dutenak, erosteko aukerarekin edo aukerarik gabe.

Nolanahi ere, hornidura-kontratutzat joko dira:

- a) Enpresariak ondasun anitz jarraian eta unitateko prezioa entregatzeko betebeharra hartzea dakarten kontratuak, betiere kontratua egiteko garaian kopuru osoa zehaztasunez mugatzen ez bada, ondasunak EJIE, S.A. sozietatearen beharriaren arabera entregatu behar direlako.
- b) Telekomunikaziorako edo informazioa tratatzeko ekipoak eta sistemak edota horien gailuak eta programak erosi eta errentan hartzeko xedea dutenak, bai eta horien gaineko erabilera-eskubideak lagatzekoak ere.
- c) Fabrikaziokoak, hornitzaileak entregatu behar dituen gauzak EJIE, S.A., sozietateak alde zuzenetik ezarritako ezaugarri berezi batzuen arabera entregatu beharra dakartenak, nahiz eta EJIEk beharrezkoak diren material guztiak edo horien zati bat emateko betebeharra hartu bere gain.

#### **Zerbitzu-kontratuak**

Zerbitzu-kontratuak dira jarduera bat egitea edo beste emaitza bat -obra bat edo hornidura bat ez bezalakoa- Sektore Publikoko Kontratuei buruzko urriaren 30 30/2007 Legearen II. eranskinean zehaztutako kategorien arabera gauzatu beharra dakartenak.

Halaber, zerbitzu-kontratutzat joko dira honako kontratu hauek:

- Neurri-egindako ordenagailu-programak eskuratzekoak.
- Informatika-aplikazioen analisia, garapena, ezarpena eta zuzenketa- eta bilakaera-mantenimendua egitea dakartenak.
- Euskarri teknikoak.
- Aholkularitza.

4. **Jarraibide hauen interpretazioa.** Jarraibide hauen ondorioetarako, hasierako hizkia larriz duten terminoek jarraibideetan bertan ezarritako esanahia izango dute, eta jarraibideetan definituta ez daudenek, SPKLAN ezarritakoa.

Halaber, agiri honen 1. eranskinean terminoen glosategi bat dago, argitzea behar duten terminoentzat definizio bat ematen duena.

Baldin eta jarraibide hauen ondorioz SKPLko arau bat egokiturik aplikatu behar bada, edo ezin bada osorik edo hein batean aplikatu, SPKLko beste artikulua batzuek, jarraibide hauen arabera aplikatzekoak direnek, arau horretara bertara egiten dituzten igorpenak egokitze edo indargabetze horiekin beroriekin egiten direla joko da.

Kontratuen balio zenbatetsia SKPLko 76. artikuluan aurreikusitako arauen arabera kalkulatu da, eta balio horretan ez da sartuko Balio Erantsiaren gaineko Zerga.

5. **Jarraibide hauek arautzen duten kontratazioaren printzipio orokorrak.** Jarraibide hauek aplikatu behar zaizkien kontratuak SKLPko 1. artikuluan jasotako printzipioen pean izango dira, eta kontratu horien esleipena publizitate-, lehia-, gardentasun-, konfidentziasun-, berdintasun- eta diskriminaziorik ezaren printzipioen pean egingo da, SKLPko 175. artikulua arabera.

Aurreko paragrafoan aipatutako printzipioak egiaz betetzen direla bermatzea aldera, EJIE, S.A. sozietateak jarraibide hauen arabera izapidetuko dituen kontratazio-prozeduretan, kontratazio-organoen jardunak printzipio horiek betetzea izango du xede, beti.

Jarraibide hauetako hurrengo idatz-zati hauek betetzen direnean joko dira betetzat printzipio hauek. Jarraibide horiek aplikatzeko eta interpretatzeko, honako jardun-irizpide hauei jarraituko zaie:

- a) Publizitate-printzipioa betetzen dela joko da irati-difusiorako bitarteko edo hedabide egokiak eta behar bezain eskuragarriak baliatzen direnean lehia parte har dezaketen guztien onerako. Bitarteko horien bidez, EJIE, S.A. sozietatearen kontratuen informazioa eman beharko da, eta merkatuaren atea lehia irekiari irekitzeko aukera eman behar dute.
- b) Gardentasun-printzipioa betetzen dela joko da baldin eta dagokion kontratua esleitu aurretik informazio egokia zabaltzen edo hedatzen bada, hau da, lizitazioan parte har dezakeen orok lizitazioan parte hartzeko interesa adierazi ahal izateko aukera ematen duen informazioa zabaltzen edo hedatzen bada. Era berean, printzipio honek dakarren betebeharra da parte hartzaile guztiek alde aurretik ezagutu ahal izatea kontratuari aplikatu ahal zaizkion arauak, eta, orobat, arau horiek erakunde guztiei berdin aplikatu zaizkielako ziurtasuna izatea.
- c) Lizitazioan parte har dezaketenek parte hartu ahal izatea eta agiri horiek eskura izatea errazteko beharrezkoak diren neurriak onartuko dira jarraibide hauetan aurreikusitakoaren arabera, kontratua eskaintza ekonomikorik onenari esleitzearren.
- d) Konfidentziasun-printzipioa errespetatu egingo da, eta, horretarako, enpresariak konfidentziazat izendatu duten informazioa ez zabaltzeko betebeharra hartu beharko du EJIE, S.A. sozietateak bere gain, baldin eta betebeharrak horretarako kausa justifikatuak baldin badaude. Bereziki, eskaintzetan isilpean gorde beharreko datu teknikoak edo komertzialei edo isilpean gorde beharreko beste alderdi batzuei dagokie betebeharrak hori. Era berean, printzipio honen aplikazioak eskatuko du kontratuaren betetzea dela-eta eskura dezaketen informazioa isilean gorde beharra, baldin eta kontratuaren baldintzen agirietan isilean gorde beharrezkotzat

jo bazen, edo, beraren izaerarengatik, isilean gorde beharrekotzat jo behar bada.

- e) Berdintasun- eta diskriminaziorik ezaren printzipioa bermatze aldera, prozeduretan inpartzialtasuna eta ekitatea bermatzeko behar diren neurriak onartuko dira. Neurri horien artean sartzen dira, gutxienez, honako hauek:
- i) Kontratuen xedea diskriminaziorik ez eragiteko moduan deskribatuko da beti, fabrikazio edo jatorri jakin bat aipatu gabe, edo produktu berezirik edo marka, patente, eredu, jatorri edo produkzio jakinik aipatu gabe, betiere era horretako erreferentzia bat behar bezala justifikatzen ez bada eta “edo baliokidea” aipamenarekin batera badao.
  - ii) Ez da ezarriko lehia parte har dezaketen Europar Batasuneko beste estatu kide batzuk zuzenean edo zeharka diskriminatzea eragin dezakeen baldintzarik.
  - iii) Baldin eta hautagaiei eskatzen bazaie tituluak, ziurtagiriak edo beste era bateko dokumentazio justifikagarria aurkez dezaten, bata bestearen diplomak, ziurtagiriak eta beste titulu batzuk onartzeko printzipioaren arabera onartu beharko dira beste estatu kide batzuetatik datozen agiriak.
  - iv) Interesa agertzeko edo eskaintza bat aurkezteko emandako epeak egokitu egingo dira beste estatu kide batzuetako enpresek ebaluazio egokia egiteko aukera izan dezaten eta eskaintza bat agertu ahal izan dezaten.
  - v) Esleipen-prozeduran hornitzaile batek baino gehiagok parte hartzen badu, EJIE, S.A. sozietateak bermatu beharko du guztiek dutela, baldintza berberetan, kontratuari buruzko informazio bera.
6. Oro har, kontratazio-eskaera oro dokumentaturik egon beharko da, eta dagokion arloko zuzendariaren eta kontratazio-zerbitzuaren arduradunaren oniritzia izan beharko du, non eta kontratazioa ez den egiten zuzendariaren ekimenez, zeren eta, kasu horretan, ez baita beharrezkoa izango kontratazio-zerbitzuaren arduradunaren oniritzia, eta aski izango baita hari jakinarazpena egitea.
7. 50.000 €tik gorako kontratuetan, **administrazio-klausula berezien agiri** bat egongo da, eta klausula horien bidez ezarriko dira kontratuaren oinarritzko ezaugarriak, aldaerak onartzeko araubidea, eskaintzak jasotzeko modalitateak, kontratuak esleitzeko irizpideak eta eratu beharreko bermeak.

Agiri hori kontratuaren ezinbesteko zatia da; dena dela, kontratu bakoitzaren zehaztapan teknikoak direla-eta, horrezaz gain, proiektu tekniko bat edo **baldintza teknikoek agiri edo zehaztapan teknikoek agiri** bat ere egon beharko da.

Administrazio-klausula berezien agiriak, besteak beste, lehia askearen, gardentasunaren, berdintasunaren eta diskriminaziorik ezaren printzipioak bermatuko dituen irizpideak eduki beharko ditu, eta kontratua proposamen ekonomiko onenari esleitzeko zaiola bermatuko dutenak. Hori gorabehera, kontratu-motaren eta esleipeneko prozeduraren arabera, gerta liteke irizpide horiek baldintza teknikoek agirian agertzea.

Proposamenak balioesteko eta eskaintza ekonomikorik onena zein den zehazteko, kontratuaren xedeari zuzenean lotutako irizpideei jarraituko zaie; esate baterako, kalitatea, prezioa, obra

erabiltzeari edo zerbitzua emateari lotutako ordainsariak berrikusteko formula erabilgarria, prestazioa betetzeko edo bidaltzeko epea, erabiltzeko kostua, ingurumeneko ezaugarriak edo beharriaz erantzuten dieten gizarte-eskakizunen asebetetzeari lotutako ezaugarriak, kontratuaren zehaztapenetan zehaztuta badaude (eta biztanleriako maila bereziki kaltetuei dagozkienak, kontratatu beharreko prestazioen erabiltzaile edo onuradunak kategoria horietako kide direnean), errentagarritasuna, balio teknikoa, ezaugarri estetikoak edo funtzionalak, ordezko piezen erabilgarritasuna eta kostua, mantentze-lanak, laguntza teknikoa, saldu osteko zerbitzua edo beste antzeko zerbitzu batzuk.

Esleitzeko irizpide bakar bat erabiltzen denean, irizpide hori, nahitaez, preziorik baxuena izango da. Irizpide bat baino gehiago kontuan hartzen denean, aldiz, irizpide horietako bakoitzari egozten zaion ponderazio erlatiboa zehaztu beharko da, eta hori zabalera egokiko balio-banda bat ezarri adieraziko da.

Esleitzeko prozedura hainbat fasetan egituratzen bada, kasu horretan era berean adieraziko da fase horietako zeinetan joango den aplikatuz irizpide bakoitza, bai eta lizitatzaileri hautaketa-prozesuan jarraitzeko eskatzen zaion gutxieneko puntuazio-atalasea ere. Aukeratutako irizpideak ponderatzea posible izango ez balitz, irizpideok garrantziaren arabera zerrendatuko dira, garrantzi handienekotik txikienera.

Agiri hori EJIeko Kontratazio Zerbitzuak prestatuko du, kasuan kasuko arloak horretarako beharrezko den dokumentazio guztia bidali ondoren, eta agiri hori kontratazio-organoak onartuko du. Organo horrek, bestalde, baimendu behar duen kontratazio bakoitzerako erabili beharreko agiri-ereduak onartu ahal izango ditu.

Agiriak onartzea, betiere, zuzendari nagusiari egokituko zaio, are kontratazio-organoak beste batzuk direnean, eta kasu horietan eskuordetza bidez jardungo du, eta hori gauzatzat ulertuko da kontratazioko barne-jarraibide horiek onartzen direnean.

8. Kontratazioa izapidetzen den bitartean sortzen diren agiri guztiek osatzen dute **kontratazio-espeditentea**. Espediente hori, gainera, behar bezala artxibatuko du kontratazio-zerbitzuak.
9. **Kontratazio-organoak**, kasu bakoitzean, EJIeren estatutuetan eta gainerako xedapen gehigarrietan aurreikusitakoaren arabera zehaztuko dira, alde batera utzita beste organo batzuei egiletsi dakizkiekeen eskuordetza eta ahalordetza baliodunak.
10. **Kontratuen iraupena** ere prestazioen izaera, zerbitzuon finantzaketaren ezaugarriak eta prestazioon gauzatzea aldi behin lehiatik pasarazteko beharriaz kontuan hartuta ezarriko da. Kontratuan, luzapen bat edo gehiago aurreikusi ahal izango dira, betiere, luzapenok irauten duten bitartean kontratuaren ezaugarriak aldatzen ez badira, eta kontratuon esleipenerako lehia kontratuaren gehienezko iraupena kontuan hartuta egin bada, luzapen-aldiak barne. Agiriak bestelakorik ezarri ezean, zerbitzu-kontratuen luzapenetarako, urriaren 30eko 30/2007 legearen 279. artikuluan ezarritakoari jarraituko zaio.

11. Agiriak lizitazio bakoitzerako araubide aplikagarri ezberdin bat ezartzen dutenean izan ezik, **kontratuen aldaketen** baldintzak eta ondorioak urriaren 30eko 30/2007 legearen 202. artikuluan (artikulu hori 217., 272. eta 282. artikuluekin lotuta) ezarritakoak izango dira.

Kontratuen aldaketa horiek baimentzea, esleitutako kontratuari dagokion kontratazio-organo berari egokituko zaio. Dena dela, esleitutako kontratuei eragiten dieten aldaketa guztiak onartu ahal izango ditu zuzendari nagusiak.

Ez dira hartuko kontratuaren aldaketatzat kontratuaren xedearen zabaltzeak, baldin eta ezin badira hasierako proiektuan sartu kontratuaren zuzenketa baten bidez, edo erabilpen edo aprobetxamendu beregaina izateko moduko prestazioa egin beharra badakarte, edo kontratua prestatzeko dokumentazioan jasotzen ez diren beste helburu berri batzuk gauzatzeko direnak. Kontratuaren zabaltze horiek bereiz kontratatu beharko dira, eta, behar izanez gero, prestazio osagarriak kontratatzeko aurreikusitako araudia aplikatu ahal izango da, urriaren 30eko 30/2007 legearen 155.b) eta 158.b) artikuluetan aurreikusitako gorabeherak agertzen badira.

12. Kontratazio guztietan, **esleipen-proposamen** bat egon beharko da, eskaintzak balioesteko txosten teknikoaren ondoren. Txosten hori langile eskudunek egingo dute, eta eragindako arloko arduradunak balidatuko.
13. **Kontratuak**, oro har, zuzendari nagusiak **izenpetuko ditu**, kontratazio-organoak ahaldundu ondoren, organo hori Administrazio Kontseilua denean.
14. Agirietan aurreikusten diren behin-behineko eta behin betiko **bermeak** eman beharko dira, eta berme horiek legezko kasuei eta agiri bakoitzean aurreikusitakoei erantzungo diete.

Agiriak bestelakorik adierazi ezean, kontratazioen berme-epea urtebetekoa izango da, produktua edo zerbitzua eragozpenik gabe jasotzen denetik.

15. Oro har, ez da egongo **prezioen berrikuspenik**, agiri jakin batek halakorik aurreikusi ezean.
16. Salbu eta agiriak beste zerbait adierazten duen, 60 eguneko epemuga duten efektuekin egingo zaizkie **hornitzaileei ordainketa** guztiak..
17. Lizitazio bakoitzeko agiriak bestelakorik adierazi ezean, kontratuak **suntsiarazteko arrazoiak** izango dira urriaren 30eko 30/2007 legearen 206, 208, 220, 275 eta 284. artikuluetan aipatutakoak.
18. **EJIE, S.A.ren kontratatzaile-profila** [www.ejje.net](http://www.ejje.net) web-orrialdeko "kontratatzaile profila" atala bera da. Atal horretan, hain zuzen ere, publizitatea emango zaie 50.000 €tik gorako lizitazio eta esleipenei, betiere esleipendunaren identitatea eta esleipenaren zenbatekoa adierazita.

19. **Presazko kasuetan**, izapidea bestelakoa izango da: eskaintzak aurkezteko epeak edo oro har ezarritako publizitate-eskakizunak murriztu egingo dira, eta kontratua betearaztea ere erabaki ahal izango da, aurretik kontratua formalizatu ez arren. Presako kasuak eta horien ondorioak kasu bakoitzean balioetsiko ditu kontratazio-organoak.
20. **Behin-behineko esleipena eta behin betiko esleipena**: Behin-behineko esleipena behin betiko esleipen bihurtuko da, beste izapiderik gabe, behin-behineko errekurtsoren aurka dagokion errekurtsoa aurkeztu gabe 15 eguneko epea igarotze hutsarekin.
21. **Kontratazio arloko errekurtsu berezia**: Urriaren 30eko 30/2007 legearen 37. artikuluko 2. paragrafoan aipatzen diren erabakien aurka, errekurtsu berezi jarri ahal izango da, eta errekurtsu hori Eusko Jauriaritzako Ogasun eta Herri Administrazio Sailak ebatziko du.

## 22. **Kasu bereziak**:

- Esparru-akordioen bidezko kontratazio-prozedura erabiltzea (Sektore Publikoko Kontratuei buruzko urriaren 30eko 30/2007 Legearen 180.etik 182.era arteko artikulua) Ondoren aipatuko ditugun kontratazioak kontratista jakin batzuk "homologatuko" dituen esparru-akordio baten bitartez egin ahal izango ditu EJIE, S.A. sozietateak. Behin kontratatzaileak hautatuz gero, kasu bakoitzean zenbatekoaren arabera dagokion kontratazio-organoak, eskaintzak eskatuko dizkie gutxienez "homologatuetatik" hiruri, baldin eta baldintza ekonomiko guztiak eta epeak esparru-akordioan finkaturik ez badaude, izan ere arauketa harmonizatuaren pean ez dauden kontratuak baitira.
- Prozedura horren bidez kontratatu beharreko zerbitzuak honako hauek izango dira: hornitzaileei aldeztu aurretik kaudimen jakin bat eskatzea dakarten zerbitzuak, eta, beraz, C.3 kontratazio-eredu murriztua darabiltenak.

## 4.2 Kontratazio-ereduak

Honako jarraibide hauek aplikatzeko eta kontratu bakoitzaren esleipenari aplikagarri zaizkion prozedura eta eskakizunak ezartzeko, honako kontratazio-eredu hauek bereizten dira:

- A kontratazio-eredua - Sinplifikatua. Eredu honi atxikita geratzen dira 100.000 €-ko edo kopuru horretatik beherako balio zenbatetsia duten kontratuak, kontratu-obrak direnean izan ezik, kasu horretan balio zenbatetsia 1.000.000,00 €koa edo txikiagoa izango baita.
  
- B kontratazio-eredua - Mugatua. Eredu honi atxikita geratzen dira 100.001 euroren eta honako kopuru hauen arteko balio zenbatetsia duten kontratuak (ez dira hor sartzen obra-kontratuak, gutxieneko balio zenbatetsia 1.000.001,00 €koa badute):
  - 5.150.000 euro, obra-kontratuak badira.
  - 206.000 euro, gainerako kontratu-motetan.
  
- C.1 kontratazio-eredua - Irekia. Eredu honi atxikita geratzen dira balio zenbatetsia honako hau duten kontratuak:
  - 5.150.000 eurotik gorakoa, obra-kontratuak badira.
  - 206.000 eurotik gorakoa, gainerako kontratu-motetan.

#### 4.2.1. A Kontratazio-eredua - Sinplifikatua.

Eredu honen pean egingo dira balio zenbatetsia 100.000 eurokoa edo txikiagoa duten kontratuak, edozein dela ere kontratu-mota.

Ondoren, prozesu horretan zehar egin beharreko jarduerak deskribatzen dira:

##### 1 Kontratatzeko beharra

Eskatzaileak kontratuaren beharrizana landuko du, eta arloko arduradunak edo dagokion arduradun nagusiak eman behar du horretarako baimena.

Beharrizanaren deskribapenaren arabera, kontratazio-zerbitzuko arduradunak aplikatuko den kontratazio-eredua hautatuko du (edo ezetsi, hala balegokio), eta zuzendaritza-batzordearen gain utzi ahal izango du onartzeke dauden beharrizanei buruzko erabakia.

Eskaera egiteko arduraduna izendatuko da. Eskatzailea bera edo kontratazio-zerbitzuaren arduraduna izan daiteke arduradun hori.

##### 2. Kontratazioa eta esleipena

Eskaera egiteko ardura duenak, honako hauek egin beharko ditu:

- Kontratuaren zenbatekoa 50.000 eurokoa edo txikiagoa bada:

- √ Eskaintza bat eskatu beharko dio ohiko hornitzaileari, edo beste bati, ohiko hornitzailearik ez balego. Eskaintza bat baino gehiago eskatzea aukerakoa da. Hala eginez gero, aplikatuko diren esleipen-irizpideen berri eman beharko zaie hornitzaileei.
- √ Ez da beharrezkoa argitaratzea.

- Kontratuaren zenbatekoa 50.001 eta 100.000 euro artekoa den kasuetan:

- √ Hornitzaile izan daitezkeenek egindako eskaera [www.ejje.net](http://www.ejje.net), web orriaren "Kontratatzailearen profila" atalean jarri behar da, 5 egun lehenago.
- √ Horren ondoren, 3 hornitzailegai aukeratuko dira, gutxienez, eta negoziazio-prozesurako eskaintzak egiteko eskatuko zaie. 10 egun izango dituzte eskaintzak aurkezteko.

- Egin diren eskaintzak jaso eta eskatzaileari esleipen-proposamena egiteko eskatuko zaio; horren barruan, egin diren eskaintzei buruzko balorazio tekniko egitea sartzen da, eta balorazio hori arloko arduradunak balioetsia egon beharko da. Esleipen-proposamena jaso eta balidatu egin beharko du. Esleipen-proposamena behin-behinekoa izango da, eta behin betiko bihurtuko da, 15 egun balioduneko epean ez bada horien aurkako errekurtsorik aurkezten.

- Dokumentu guztiak kontratazio-zerbitzuaren arduradunari eman beharko dizkio.

Eskatzailearen arloko arduradunak kontratazio-eskaera onartu edo baztertu egingo du.

##### 3.- Eskaeraren kudeaketa

Zuzendari nagusiak bere sinadurarekin onartuko du eskaera edo kontratua.

Kontratazio-zerbitzuaren arduradunak esleipena lortu duen hornitzaileari bidaliko dizkio eskaera eta beharrezko informazioa. Jendaurrean jarri behar izan diren kontratuen kasuan, behin-betiko esleipenaren berri EJIEn web-orrian eman beharko da.

Kontratazio-zerbitzuaren arduradunak kontratatatu den produktua edo zerbitzua nola egiaztatuko den zehaztuko du eskatzailearekin batera:

- Zerbitzua ematean egindako jarraipenaren bidez.
- Jasotzerakoan egindako egiaztapenaren bidez.

#### 4.- Eskaera egiaztatzea

Eskatzaileak eskuratu den produktu edo zerbitzua eskatutakoarekin bat datorren egiaztatuko du. Egiaztatzea produktu edo zerbitzua jasotzeko unean egiten bada, horren emaitza eskaera ixteko unean dokumentatuko da. Egiaztatzea zerbitzua ematen den bitartean egiten bada, dena delako prozesuaren jarraipena egiten den artean burutuko da kontrola.

Kasu batean zein bestean, bat ez etortzeak gertatzen badira, kalitatearen eskuliburuan esaten den moduan jardun beharko da.

##### 4.2.2. B Kontratazio-eredua - Mugatua.

Eredu honen pean geratzen dira 100.001 euroren eta honako kopuru hauen artean dagoen balio zenbatetsia duten kontratuak:

- 5.150.000 euro, obra-kontratuak badira.
- 206.000 euro, gainerako kontratu-motetan.

Ondoren, prozesu horretan zehar egin beharreko jarduerak deskribatzen dira:

##### 1.- Kontratatzekeo beharra

Eskatzaileak kontratuaren beharrezana landuko du, eta arloko arduradunak edo dagokion arduradun nagusiak eman behar du horretarako baimena.

Beharrezanaren deskribapenaren arabera, kontratazio-zerbitzuko arduradunak aplikatuko den kontratazio-eredua hautatuko du (edo ezetsi, hala balegokio), eta zuzendaritza-batzordearen gain utzi ahal izango du onartzeke dauden beharrezanei buruzko erabakia.

Kontratazio-zerbitzuko arduraduna izango da eskaeraren arduraduna.

##### 2.- Kontratazioa eta esleipena

Eskaera egiteko ardura duenak, honako hauek egin beharko ditu:

- Oinarri teknikoen agiria osatu, esleipenerako irizpideekin.
- Administrazio-klausulen agiri bat sartu.
- [www.ejje.net](http://www.ejje.net) web orrian, "kontratatzaile profila" atalean, argitaratu, eskaintzak jasotzeko azken eguna baino 15 egun lehenago (premiazko kontratazioa bada, epea laburtzeko aukera izango da, baina erdira gehienez).
- Egin diren eskaintzak jaso eta eskatzaileari esleipen-proposamena egiteko eskatuko zaio; horren barruan, egin diren eskaintzei buruzko balorazio teknikoa egitea sartzen da, eta balorazio hori arloko arduradunak onetsia egon beharko da. Esleipen-proposamena jaso eta balidatu egin beharko du. Esleipen-proposamena behin-behinekoa izango da, eta behin betiko bihurtuko da 15 egun balioduneko epean ez bada horien aurkako errekurtsorik aurkezten.
- Dokumentu guztiak kontratazio-zerbitzuaren arduradunari eman beharko dizkio.

Eskatzailearen arloko arduradunak kontratazio-eskaera onartu edo baztertu egingo du.

### **3.- Eskaeraren kudeaketa**

Zuzendari nagusiak eskaera edo kontratua onartzeko baimena emango du, izenpetzearen bidez.

Kontratazio-zerbitzuaren arduradunak eskaera eta beharrezko informazioa bidaliko dizkio esleipena lortu duen hornitzaileari. Behin-betiko esleipena EJI Eren web-orrian argitaratuko da.

Kontratazio-zerbitzuaren arduradunak kontratatu den produktu edo zerbitzua nola egiaztatuko den zehaztuko du eskatzailearekin batera:

- Zerbitzua ematean egindako jarraipenaren bidez.
- Jasotzerakoan egiaztatzearen bidez.

### **4.- Eskaera egiaztatzea**

Eskatzaileak eskuratu den produktu edo zerbitzua eskatutakoarekin bat datorren egiaztatuko du. Egiaztatzea produktu edo zerbitzua jasotzeko unean egiten bada, horren emaitza eskaera ixteko unean dokumentatuko da. Egiaztatzea zerbitzua ematen den bitartean egiten bada, dena delako prozesuaren jarraipena egiten den artean burutuko da kontrola.

Kasu batean zein bestean, bat ez etortzeak gertatzen badira, kalitatearen eskuliburuan esaten den moduan jardun beharko da.

### 4.2.3. C.1 Kontratazio-eredua - Irekia

Eredu honi atxikita geratzen dira balio zenbatetsi hau duten kontratuak:

- 5.150.000 euroren gainerakoa, obra-kontratuak badira.
- 206.000 euroren gainerakoa gainerako kontratu-motetan.

Ondoren, prozesu horretan zehar egin beharreko jarduerak deskribatzen dira:

#### 1.- Kontratatze beharra

Eskatzaileak kontratuaren beharrezan landuko du, eta arloko arduradunak edo dagokion arduradun nagusiak eman behar du horretarako baimena.

Beharrezanaren deskribapenaren arabera, kontratazio-zerbitzuko arduradunak aplikatuko den kontratazio-eredua hautatuko du (edo ezetsi, hala balegokio), eta zuzendaritza-batzordearen gain utzi ahal izango du onartzeke dauden beharrezane buruzko erabakia.

Kontratazio-zerbitzuko arduraduna izango da eskaeraren arduraduna.

#### 2.- Kontratazioa eta esleipena

Eskaera egiteko ardura duenak, honako hauek egin beharko ditu:

- Oinarri teknikoaren agiria osatu, esleipenerako irizpideekin.
- Administrazio-klausulen agiri bat sartu.
- EBAOn eta [www.ejje.net](http://www.ejje.net) web orrian, "kontratatzaile profila" atalean, argitaratu (BOEn eta EHAAn ere argitara daiteke), eskaintzak jasotzeko azken eguna baino:
  - 52 egun lehenago
  - 36 egun lehenago, EBAOn alde aurreko iragarkia argitaratzen bada edo presazko kasuan. 22 egun lehenago, behar bezala justifikatutako ezohiko kasuetan.
  - Epe horiek laburragoak izan ahal dira ondoko kasu hauetan:
    - 5 egun, agiriak kontsultatzeko sarbidea eskaintzen denean tresna elektronikoen bidez.
    - 7 egun gehiago, iragarkiak bide elektronikoen bidez prestatu eta bidaltzen direnean.
  - Epeak iragarkia EBAOran bidali den egunetik hasita kontatzen dira.
- EJIEko kontratazio-mahaiak egiten du deialdia, eta mahai hori honako hauek osatuko dute: presidentek (kudeatzailea), idazkari batek (administrazio saileko abokatua) eta bi mahaikidek (bata sail teknikokoa eta beste kontratazio-zerbitzuko). Hasiera batean izendatu diren arduradunek beste pertsona batzuk eskuordetu ditzakete kontratazio-mahaiaren bileretara joateko.

Ondoren, mahai horrek dituen zereginak deskribatzen dira:

- Kontratazio-zerbitzuaren arduradunak eta administrazio saileko abokatuak gutun-azal administratiboak eta eskaintzen gutun-azal itxiak zabaldu eta dagozkion aktak egiten dituzte.
- Kontratazio-zerbitzuko arduradunak kontratazio-mahaiari kontratazio-espeditentea emango dio. Hona hemen espedientearen osagaiak: eskaintza, administrazio-klausulen agiria, oinarri teknikoaren agiria eta gutun-azal itxien irekieraren aktak.
- Gero, kontratazio-mahaiak eskatzaileari esleipen-proposamena egiteko eskatuko dio; horren barruan, egin diren eskaintzei buruzko balorazio teknikoa egitea sartzen da, eta balorazio hori arloko arduradunak balioetsia egon beharko da.
- Azkenik, kontratazio-mahaiak esleipen-proposamena jaso eta balioetsi egingo du.
- Behin-behineko esleipena eta behin betiko esleipena:

Esleipen-proposamena kontuan izanda, kontratazio-organoak behin-behineko esleipena egingo du, ebazpen arrazoitu bidez, eta lizitatzaleei jakinaraziko zaie, eta "kontratatzale profila" atalean argitaratuko da. Kontratazio-organoak ez badio behin-behinean esleitzen esleipen-proposamenean adierazitakoari, arrazoitu egin beharko du erabakia.

Behin-behineko esleipena proposamenak ireki eta BI HILABETEKO epean egin beharko da.

Ezarritako irizpide bakarra prezioa bada, behin-behineko esleipena proposamenak ireki eta 15 egun balioduneko epean egin beharko da.

Behin-behineko esleipena ez bada epe horietan egiten, lizitatzaleek beren proposamenak erretiratu ahal izango dituzte. Ezin izango da utzi esleitu gabe lizitazio bat, baldin eta agirian ageri diren irizpideen arabera onargarria den eskaintza edo proposamenean bat badago.

Behin-behineko esleipena ezin izango da behin betiko bihurtu harik eta hamabost egun baliodun igaro arte, behin-behinekoa argitaratu den egunaren biharamunetik kontatzen hasita, eta epe hori amaitzen denetik aurrera +++ eguneko epean egin beharko da, esleipendunak dokumentazio guztia behar bezala beteta badauka.

Behin-behineko esleipena dela-eta ez bada erreklamaziorik egin, dokumentazio guztia bete ondoren, esleipena berez bihurtuko da behin-betiko esleipen.

Behin-behineko zein behin betiko esleipenaren onarpena, kontratazio-organoak egingo du zenbatekoaren arabera.

- Zuzendari nagusiak mahaiaren proposamena balidatuko du ebazpen agiriaren bidez.
- 

### 3.- Eskaeraren kudeaketa

Zuzendari nagusiak eskaera edo kontratua onartzeko baimena emango du, izenpetzearen bidez.

Kontratazio-zerbitzuaren arduradunak eskaera eta beharrezko informazioa esleipena lortu duen hornitzaileari bidaliko dizkio. Behin-betiko esleipena EJIEn web-orrian argitaratuko da.

Kontratazio-zerbitzuaren arduradunak kontratatu den produktu edo zerbitzua nola egiaztatuko den zehaztuko du eskatzailearekin batera:

- Zerbitzua ematean egindako jarraipenaren bidez.
- Jasotzerakoan, egiaztatzearen bidez.

### 4.- Eskaera egiaztatzea

Eskatzaileak eskuratu den produktu edo zerbitzua eskatutakoarekin bat datorren egiaztatuko du. Egiaztatzea produktu edo zerbitzua jasotzeko unean egiten bada, horren emaitza eskaera ixteko unean dokumentatuko da. Egiaztatzea zerbitzua ematen den bitartean egiten bada, dena delako prozesuaren jarraipena egiten den artean burutuko da kontrola.

Kasu batean zein bestean, bat ez etortzeak gertatzen badira, kalitatearen eskuliburuan esaten den moduan jardun beharko da.

## 4.3 Beste prozedura batzuk

### 4.3.1. C2- Ireki negoziatu publizateduna

Eredu honi atxikita geratzen dira balio zenbatetsi hau duten kontratuak:

- 5.150.000 euroren gainerakoa, obra-kontratuak badira.
- 206.000 euroren gainerakoa, gainerako kontratu-motetan.

Sektore Publikoko Kontratuen Legean ezarritako kasuetariko bat aplikatu behar da:

- Kasu orokorrak: 154. artikulua
- Kontratu-mota bakoitzari dagozkion kasuak: Hornidura: 157. artikulua
- Kontratu-mota bakoitzari dagozkion kasuak: Zerbitzua: 158. artikulua

Kontratazio-eredu irekiaren aldean, eredu honetan hornitzaileekin negoziazio prozesu bat ireki daiteke eta argitaratzeko epe laburragoak daude.

A kontratazio-eredu irekirako ezarritako jarduera berberak aplikatzen dira, nahiz eta argitaratzeko epeak honako hauek diren:

- 37 egun lehenago, eta 7 egun murriztu daiteke iragarkiak bide elektronikoen bidez bidaltzen direnean.
- 15 egun lehenago, EBAOn aldez aurreko iragarkia argitaratzen bada edo presazko kasuan. Edo 10 egun lehenago, bitarteko informatikoen bidez bidaltzen bada.
- Epeak iragarkia EBAOra bidali den egunetik hasita kontatzen dira.

### 4.3.2. C3 - Murriztua

“C.3- Murriztua” kontratazio-eredua kontratu jakin hauetan izango da aplikatzekoa: hornitzaileei dena delako kaudimena exijitzen dien kontratuen kasuan. Bi fasetan gauzatuko da:

- 1- Homologazioa: C 2 kontratazio-ereduaren bidez. Kontratazio ireki negoziatu publizateduna
- 2- Kontratazioa: B eredu mugatuaren bidez homologatutako hornitzaileen artean (100.000 eurotik gorako kopurua bada) edo A eredu sinplifikatuaren bidez (100.000 eurotik beherako kopurua bada); zenbatekoaren arabera.

### 4.3.3. Elkarrizketa lehiakorra

Sektore Publikoko Kontratuen Legearen 164. artikuluan adierazitako baldintzak betetzen direnean, elkarrizketa lehiakorraren prozedura aplikatzea erabaki daiteke, eta prozedura

horretan Sektore Publikoko Kontratuen Legearen 163. artikulutik 167. artikulura bitartean ezarritakoa beteko da.

---

## 4.4 Kontratazio-ereduen laburpen-eskema

Irizpidea Zenbatek oa, (BEZik gabe)	Kontratazio-eredua					Oharrak
	sinplifikatua)	Mugatua	C1 - Irekia	C.2. Negoziatu	C3 - Murriztua	
50.000 baino txikiago edo berdin	X					Ez da beharrezkoa argitaratzea Ohiko hornitzaileari eskaintza eskatu, edo besteren bati ohiko hornitzaileerik ez balego. Eskaintza bat baino gehiago eskatzea aukerakoa da. Hala eginez gero, aplikatuko diren esleipen-irizpideen berri eman beharko zaie hornitzaileei.
50.001 eta 100.000 euro artean	X					Hornitzaile izan daitezkeenek egindako eskaera web orrian jarri behar da, "Kontratatzailearen profila" atalean, 5 egun lehenago.  Horren ondoren, 3 hornitzailegai aukeratuko dira, gutxienez, eta negoziazio-prozesurako eskaintzak egiteko eskatuko zaie. 10 egun izango dituzte eskaintzak aurkezteko.
100.001 eta 206.000 euro artean		X				Web orrian, "Kontratatzailearen profila" atalean 15 eguneko aurrerapenez jarri behar da (premiazko kontratazioa bada, epea laburtzeko aukera izango da, erdira gehienez)
206.000 baino gehiago			X	X	X	EBAO aldizkarian eta Ejjereren web orrian, "Kontratatzailearen profila" atalean (BOE eta EHAO, aukeran)  C2 eredua (Negoziatu publizitateduna) aplikatzekoa izango da baldin eta SPKLk biltzen dituen kasuren bat gertatzen bada (154., 157. eta 158. artikulua). artículo 158) C3 eredua (Murriztua) kontratu jakin hauetan

						<p>izango da aplikatzekoa: hornitzaileei dena delako kaudimena exijitzen dien kontratuen kasuan. Bi fasetan egingo da:</p> <ul style="list-style-type: none"><li>1- Homologazioa: C 2 kontratazio-eredua (Irekia). Kontratazio ireki negoziatu publizitadeduna</li><li>2- Kontratazioa: B kontratazio-ereduaren (Mugatua) bidez. Homologatutako hornitzaileen artean (100.000 eurotik gorako kopurua) edo A eredu sinplifikatuaren bidez (100.000 eurotik beherako kopurua); zenbatekoaren arabera, hortaz.</li></ul>
--	--	--	--	--	--	---

## I. eranskina – Glosategia



<b>Baldintza teknikoan agiria (BTP)</b>	Kontratatu nahi den produktuaren edo zerbitzuaren bereizgarri teknikoak zehazten dituen dokumentua da. Hornitzailegaiek kontuan hartu behar dute, ezinbestean, eskaintzak aurkezteko. Horrez gain, kontratua esleitzeko zein irizpide aplikatuko diren ere zehazten du. Dokumentua SCR6150 formatuan oinarritzen da, eta argitaratu ere egingo da, erabiliko den kontratazio-ereduak publikitatea baldin badakar.
<b>Zehaztasun teknikoan dokumentua</b>	Kontratatu nahi den produktuaren edo zerbitzuaren bereizgarri teknikoak zehazten dituen dokumentua da, eta ezinbestean kontuan hartzekoa. "A-Sinplifikatua" ereduari erabil daiteke, zenbatekoa 50.000 eurokoa edo gutxiago bada. Kontratatu nahi den produktuaren edo zerbitzuaren bereizgarri teknikoan berri azaldu behar du soil-soil, bai eta esleipen-irizpideak zehaztu ere. Ez dago formaturik aurrez finkatuta.
<b>Esleipen-proposamena</b>	Kontratazio jakin bat nori esleitu zehazten duen dokumentua da; hautatutako eskaintza eta hornitzailea zehazten ditu. Aurkeztutako eskaintzei egin zaien balorazio teknikoaren txostena ere badakar, oinarri teknikoan baldintza-agirian deskribatutako irizpide objektiboetan oinarrituta egindakoa. Halaber, kontratazio-eredu jakin bat zergatik aplikatu den justifikatzen du. Kasu berezirik izan bada, esaterako, hornitzaile eskusiboa erabiltzeko erabakia hartzea, horren justifikazioa ere jasoko du.
<b>Klausula administratiboan baldintza-agiria</b>	Administrazio-prozedura bera nahiz kontratazioa zer-nola gauzatuko den deskribatzen duen dokumentua da. Eskaintzarekin batera hornitzaileak zer informazio eta dokumentazio administratibo aurkeztu behar duen ere zehazten du. Erabiliko den kontratazio-ereduak publikitatea behar badu, argitaratu egingo da agiria.
<b>BOE</b>	Estatuko Aldizkari Ofiziala
<b>EHA</b>	Euskal Herriko Agintaritzaren Aldizkaria
<b>EBAO</b>	Europar Batasunaren Aldizkari Ofiziala
<b>SPKL</b>	Sektore Publikoko Kontratuen Legea (urriaren 30eko 30/2007 Legea)
<b>A kontratazio-eredua. Sinplifikatua</b>	Kontratazio-eredu honek aukera ematen du bi modutan jokatzeko: batetik, hornitzaile bakarra kontratatzea, lehiarik gabe eta publikitaterik gabe, 50.000 euroko kontratazioa edo txikiagoa bada; bestetik, publikitate eta guztiko kontratazioa egitea, gutxienez, 3 hornitzaileentzat, 50.001 eta 100.000 euro bitarteko kontratuen kasuan.
<b>B kontratazio-eredua. Mugatua</b>	Deialdia EJI Eren web orriko "Kontratatazailearen profila" atalean argitaratu ondoren, aurkeztu diren eskaintzetatik bati kontratua esleitzeko aukera ematen duen kontratazio-eredua (100.001 euro eta 206.000 euro bitarteko kontratazioen kasurako)
<b>C.1 kontratazio-eredua. Irekia.</b>	SPKLko prozedura irekian oinarritutako eredua (141. orria). 206.000 eurotik gorako kontratazioetan aplikatzekoa.
<b>C.2 kontratazio-eredua. Ireki negoziatu publikitadeduna.</b>	EBAO/BOE/EHA edo, aukeran, EJI Eren web orriko "Kontratatazailearen profila" atalean argitaratu ondoren, aurkeztu diren eskaintzetatik bati kontratua esleitzeko aukera ematen duen kontratazio-eredua. Kontratazio-eredu irekiaren aldean, hauek dira ezberdintasunak: eskaintzak aurkeztu dituzten hornitzaileekin negoziazio-prozesuari ekiteko aukera ematen du, eta argitalpen-epe laburragoak ditu (206.000 eurotik gorako kontratazioen kasuan aplikatzekoa da, kasu berezietakoren bat betetzen bada)
<b>C.3 kontratazio-eredua. Murriztua.</b>	SPKLaren prozedura murriztuan oinarritutako eredua (146. artikulua). Aldez aurretik hornitzaileei kaudimen jakina eskatzen dieten kontratuei aplikatzekoa (206.000 eurotik gorako kontratazioei aplikatzekoa).
<b>Kontratazio-mahaia</b>	Kontratazio-mahaia da esleipen-proposamena egiteko ardura daukan organoa, honako eredu hauek baliatuz egiten diren kontratazioetan: C.1-Irekia, C.2.2-Kontratazio-eredu ireki negoziatu publikitadeduna, C.3-Murriztua kontratazio-ereduaren homologazio-fasea
<b>ERP</b>	<i>Enterprise Resource Planning</i> . Kontratazioa egiteko eta bestelako prozesuen kudeaketarako erabiltzen den aplikazio informatikoa

